



5983
10-4

11



門 7 保 4
號 5983
卷 10-4

西漢會要卷二十一

宋 徐 天 麟 撰

樂下

樂章

安世房中歌十七章其詩曰

大孝備矣休聽昭清高張四縣樂充宮廷芬樹羽林

雲景杳冥金支秀華庶旄翠旌

七始華始肅倡和聲神來宴娛庶幾是聽粥粥音送

細至人情忽乘青元熙事備成清思融融經緯冥冥

我定歷數人告其心敕身齊戒施教申申乃立祖廟



敬明尊親大矣孝熙四極爰轅

王侯秉德其鄰翼翼顯明昭式清明邕矣皇帝孝德
竟全大功撫安四極

海內有姦紛亂東北詔撫成師武臣承德行樂交逆
簫勺羣慝肅為濟哉蓋定燕國

大海蕩蕩水所歸高賢愉愉民所懷大山崔百卉殖
民何貴貴有德

安其所樂終產樂終產世繼緒飛龍秋游上天高賢
愉樂民人

豐草萋女羅施善何如誰能回大莫大成教德長莫
長被無極

雷震震電耀耀明德鄉治本約治本約澤宏大加被
寵咸相保德施大世曼壽

都荔遂勞窳窳桂華孝奏天儀若日月光乘元四龍
回馳北行羽旄殷盛芬哉芒芒孝道隨世我署文章

桂華

馮馮翼翼承天之則吾易久遠燭明四極慈惠所愛
美若休德杳杳冥冥克綽永福美芳

磴磴卽卽師象山則嗚呼孝哉案撫戎國蠻夷竭歡
象來致福兼臨是愛終無兵革

西漢會要卷二十二
嘉薦芳矣告靈饗矣告靈既饗德音孔臧惟德之臧
建侯之常承保天休令問不忘

皇皇鴻明蕩侯休德嘉承天和伊樂厥福在樂不荒
惟民之則

後則師德下民咸殖令問在舊孔容翼翼

孔容之當承帝之明下民之樂子孫保光承順溫良
受帝之光嘉薦令芳壽考不忘

承帝明德師象山則雲施稱民永受厥福承容之常
承帝之明下民安樂受福無疆

郊祀歌十九章其詩曰

練時日候有望燭燭蕭延四方九重開靈之旂垂惠
恩鴻祐休靈之車結元雲駕飛龍羽旄紛靈之下若
風馬左蒼龍右白虎靈之來神哉沛先以雨般裔裔
靈之至慶陰陰相放蕙震澹心靈已坐五音飭虞至
旦承靈億牲繭粟粢盛香尊桂酒賓八鄉靈安留吟
青黃徧觀此眺瑤堂衆媻並綽奇麗顏如荼兆逐靡
被華文厠霧縠曳阿錫佩珠玉俠嘉夜蒞蘭芳澹容
與獻嘉觴

練時日一

帝臨中壇四方承宇繩繩意變備得其所清和六合

西漢書卷二十一
三
制數以五海內安寧興文偃武后土富媪昭明三光
穆穆優游嘉服上黃

帝臨二

青陽開動根莖以遂膏潤并愛跂行畢逮霆聲發榮壑
處頃聽枯槁復產乃成厥命衆庶熙熙施及天胎羣
生湛湛惟春之祺

青陽三

朱明盛長勇與萬物桐生茂豫靡有所訕敷華就實
既阜既昌登成甫田百鬼迪嘗廣大建祀肅雍不忘
神若宥之傳世無疆

朱明四

西顛沈陽秋氣肅殺含秀垂穎續舊不廢姦偽不萌
祇孽伏息隅辟越遠四貉咸服既畏茲威惟慕純德
附而不驕正心翊翊

西顛五

元冥陵陰蟄蟲蓋臧少木零落抵冬降霜易亂除邪
革正異俗兆民反本抱素懷樸條理信義望禮五嶽
籍斂之時掩收嘉穀

元冥六

惟泰元尊媪神蕃釐經緯天地作成四時精建日月

星辰度理陰陽五行周而復始雲風雷電降甘露雨
百姓蕃滋咸循厥緒繼統共勤順皇之德鸞路龍鱗
罔不胙飾嘉籩列陳庶幾宴享滅除凶災烈騰八荒
鐘鼓竿笙雲舞翔翔招搖靈旗九夷賓將

惟泰元七 建始元年丞相匡衡奏罷鸞路龍鱗更

定詩曰涓選休成

天地並況惟予有慕爰熙紫壇思求厥路恭承禮祀
緼豫為紛黼黻周張承神至尊千童羅舞成八溢合
好効歡虞泰一九歌畢奏斐然殊鳴琴竽瑟會軒朱
璆磬金鼓靈其有喜百官濟濟各敬厥事盛牲實俎

進聞膏神奄留臨須搖長麗前挾光耀明寒暑不忒
况皇章展詩應律銷玉鳴函宮吐角激徵清發梁揚
羽申以商造茲新音永久長聲氣遠條鳳鳥鵠神夕
奄虞蓋孔亨

天地八 丞相匡衡奏罷黼黻周張更定詩曰肅若

舊典

日出入安窮時世不與人同故春非我春夏非我夏
秋非我秋冬非我冬泊如四海之池徧觀是邪謂何
吾知所樂獨樂六龍六龍之調使我心若訾黃其何
不徠下

日出入九

太一况天馬下霑赤汗沫流赭志倣儻精權奇籥浮
雲晻上馳體容與逝萬里今安匹龍爲友 元狩三
年馬生渥洼水中作

天馬徠從西極涉流沙九夷服天馬徠出泉水虎脊
兩化若鬼天馬徠歷無草徑千里循東道天馬徠執
徐時將搖舉誰與期天馬徠開遠門竦予身逝昆侖
天馬徠龍之媒游閭闔觀玉臺

天馬十 太初四年誅宛王獲宛馬作

天馬開詆蕩蕩穆並騁以臨饗光夜燭德信著靈寢
平而鴻長生豫大朱涂廣夷石爲堂飾玉梢以舞歌
體招搖若永望星留俞塞隕光照紫幄珠煩黃幡比
駘回集貳雙飛常羊月穆穆以金波日華耀以宣明
假清風軋忽激長至重觴神裴回若留放殫冀親以
肆章函蒙祉福常若期寂寥上天知厥時泛泛滇滇
從高旂殷勤此路臚所求佻正嘉吉宏以昌休嘉砵
隱溢四方專精厲意逝九閔紛紜六幕浮大海

天門十一

景星顯見信星彪列象載昭庭日親以察參侔開闔
爰推本紀汾睢出鼎皇祐元始五音六律依章饗昭

雜變並會雅聲遠姚空桑琴瑟結信成四興遞代八
風生殷殷鐘石羽籥鳴河龍供鯉醇犧牲百未旨酒
布蘭生泰尊柘漿析朝醒微感心攸通修名周流常
羊思所并穰穰復正直往甯馮蟻切和疏寫平上天
布施后土成穰穰豐年四時榮

景星十二 元鼎五年得鼎汾陰作

齊房產草九莖連葉宮童效異披圖案謀元氣之精
回復此都蔓蔓日茂芝成靈華

齊房十三 元封二年芝生甘泉齊房作

后皇嘉壇立元黃服物發冀州兆蒙祉福沈沈四塞

假狄合處經營萬億咸遂厥宇

后皇十四

華燿燿固靈根神之旂過天門車千乘屯昆侖神之
出排玉房周流雜拔蘭室神之行旌容容騎沓沓般
從從神之徠泛翊翊甘露降慶雲集神之掄臨壇宇
九疑賓夔龍舞神安坐鴉吉時共翊翊合所思神嘉
虞申貳觴福滂洋邁延長沛施祐汾之阿揚金光橫
泰河莽若雲增陽波徧臚驪騰天歌

華燿燿十五

五神相包四鄰土地廣揚浮雲圻嘉壇椒蘭芳璧玉

精垂華光益億年美始興交于神若有承廣宣延咸
畢觴靈輿位偃蹇驥卉汨臚析奚遺淫淥澤淫然歸
五神十六

朝隴首覽西垠雷電奈獲白麟爰五止顯黃德圖凶
虐熏鬻極闕流離抑不詳賓百僚山河響掩回轅鬚
長馳騰雨師灑路陂流星隕感惟風籥歸雲撫懷心
朝隴首十七 元狩元年行幸雍獲白麟作

象載瑜白集西食甘露飲榮泉赤雁集六紛員殊翁
雜五采文神所見施祉福登蓬萊結無極

象載瑜十八 太始三年行幸東海獲赤雁作

赤蛟綬黃華蓋露夜零晝晦濫百君禮六龍位勺椒
漿靈已醉靈既享錫吉祥芒芒極降嘉觴靈殷殷爛
揚光延壽命永未央杳冥冥塞六合澤汪濊輯萬國
靈祀祀象輿轆票然逝旗透蛇禮樂成靈將歸託元
德長無衰

赤蛟十九 以上並禮樂志

角抵

武帝元封三年作角抵戲 本紀文穎曰名此樂為角抵者兩兩相當角力角技

藝射御故名角抵蓋雜伎樂也師古曰抵當也

六年京師民觀角抵于上林平樂館 本紀

西漢會要卷二十三
孝武之世開玉門通西域設酒池肉林以饗四夷之
客作巴俞都盧海中碣徒浪反極漫衍魚龍角抵之戲
以觀視之西域傳贊晉灼曰都盧國名也李奇曰都
盧輕體善緣者也碣極樂名也師古曰巴
人巴州人也巴俞之人所謂賓人也勁銳善舞本從
高祖定三秦有功高祖喜觀其舞因令樂人習之故
有巴俞之樂漫衍者即張衡西京賦所云巨獸百尋
是為漫延者也魚龍者為舍利之獸先戲于庭極畢
乃入殿前激水化成一魚跳躍激水作霧障日畢化
成黃龍八丈出水敖戲于庭炫燿曰光西京賦云海
鱗變而成龍元帝初元五年罷角抵戲本紀刑法志
云用貢禹議

西漢會要卷二十二

西漢會要卷二十三

宋 徐 天 麟 撰

輿服上

天子車旗皇后太
子附

王車黃屋左纛高紀李斐曰天子車以黃繪為蓋裏
纛毛羽幢也在乘輿車衡左方上注

之蔡邕日以犛牛尾為之
如斗或在駢頭或在衡

文帝立初奉天子法駕迎代邸本紀案三輔黃圖云
天子出車駕次第謂

之鹵簿有大駕有法駕有小駕大駕則公卿奉引大
將軍參乘大僕御屬車八十一乘作三行尚書御史
乘之最後一乘垂豹尾豹尾以前皆為省中備千乘
萬騎出長安出祠天於甘泉備之百官有其儀注名
曰甘泉鹵簿法駕京兆尹奉引侍
中參乘奉車郎御屬車三十六乘

宣帝初立太僕以輪獵車奉迎曾孫宣紀文穎曰輪獵小車前有曲

輿不衣也李奇曰蘭輿輕車也師古曰時未備天子車駕故且取其輕便耳

乘輿副車霍光傳

輜車張良傳上雖疾彊載輜車臥而護之

鸞旗在前屬車在後賈捐之傳師古曰鸞旗編以羽毛列繫槿旁載於車上大駕出

則陳於道而先行

屬車間豹尾中揚雄傳服虔曰大駕屬車八十一乘作三行尚書御史乘之最後一乘縣

豹尾豹尾以前前皆為省中

屬車之清塵應劭曰古者諸侯貳車九乘秦滅九國兼其車服漢依秦制故大駕屬車八十

一乘師古曰屬者言相連續而不絕也塵謂行而起塵也言清者尊貴之意也見司馬相如傳

甘泉法從揚雄傳注云從法駕也

翠鳳之駕揚雄傳師古曰天子乘車為鳳形而飾以翠羽也

千乘雲亂萬騎屈橋揚雄傳

乘鏤象六玉蚪張揖曰鏤象象路也以象牙疏鏤其車輅六玉蚪謂駕六馬以玉飾其鏤

勒有似玉蚪龍子有角曰蚪拖蜺旌析羽毛染以五采綴以縷為旌有似虹蜺之氣也靡

雲旗畫龍虎於旒為旗似雲氣前皮軒後道游皮軒之上以赤皮為重蓋天子將出

道車五乘游車九乘言皮軒最居前而道游次皮軒之後司馬相如傳

乘輿乃登夫鳳凰兮翳華芝師古曰鳳凰者車以鳳為飾也翳蔽也以華

芝為翳也駟蒼螭兮六素蚪四六駕數也螭似龍一名地螭流星旄以電

燭兮咸翠蓋而鸞旗屯萬騎于中營兮方玉車之千

乘揚雄傳方並也

張耀日之元旄揚左纛被雲梢梢與旄同奮電鞭驂雷輜

鳴洪鐘建五旗揚雄傳漢舊儀云皇帝車駕建五旗蓋謂五色之旗也以木牛丞其下取其負重致遠

建九旒六白虎載靈輿立厯天之旂曳梢星之旃同上

舉洪頤植靈旗同上洪頤旗名也

建翠華之旗司馬相如傳師古曰以翠羽為旗上葆也

羽葆韓延壽傳

皇太后御小馬車霍光傳張晏曰皇太后所駕遊宮中輦車也漢殿有果下馬高三尺以駕輦師古曰小馬可於果樹下乘之故號果下馬

綠車金曰禰傳晉灼曰漢注綠車名皇孫車太子有子乘以從

太僕掌輿馬屬官有車府路輪騎馬駿馬四令丞代

日主乘輿路車又主凡小車輪今之小馬曲輿也

中太僕掌皇太后輿馬不掌置並百官表

高宛制侯丙猜曾孫信坐出入屬車間免功臣表天子出入行

陳列屬車而輒至其間

先驅旄頭

旄旗鼓車旄頭先驅燕王旦傳師古曰凡此皆天子之制又東方朔傳應劭云旄頭

以羽林為之髮正上向而長衣繡衣在乘輿前

先驅旄頭劍挺墮墜梁邱賀傳師古曰先驅導駕者若今之武侯隊矣

先驅光祿大夫張猛薛廣德傳

奉車

奉車都尉掌御乘輿車駙馬都尉掌駙馬百官表

夏侯嬰為太僕轉為滕令因奉車

霍光為奉車都尉出則奉車

杜延年久典朝政出即奉駕並本傳

散騎騎並乘輿車百官表師古曰騎而散從亡常職也應劭漢官曰前漢置散騎及中

常侍各一人散騎並乘輿車獻可替否

輦郎劉向傳十

參乘

陳平亡楚來降漢王拜平為都尉使參乘本傳

周繆以舍人從高祖常為參乘本傳

文帝自代來合宋昌參乘文紀師古曰乘車之法尊者居左御者居中又有一

人處車之右以備傾側是以戎事則稱車右其餘則曰參乘參者三也蓋取三人為名義耳

文帝朝東宮趙談驂乘爰盎伏車前曰臣聞天子所

與共六尺輿者皆天下豪英今漢雖乏人獨奈何與

刀鋸餘人共載於是上笑下趙談泣下車本傳

張釋之為謁者僕射文帝召驂乘徐行問秦之敝具

以質言本傳

衛綰為中郎將景帝幸上林詔中郎將參乘還而問

曰君知所以得參乘乎縮曰不知也上問曰吾為太

子時召君君不肯來何也本傳師古曰言以此特識之

宣帝始立謁見高廟大將軍光從驂乘上內嚴憚之

若有芒刺在背後車騎將軍張安世代光驂乘天子

從容肆體甚安近焉及光身死而宗族竟誅故俗傳

之曰霍氏之禍萌於驂乘霍光傳

金曰磾遷侍中駙馬都尉光祿大夫出則驂乘本傳

警蹕

出稱警人言蹕文三王傳師古曰警者戒肅也蹕止行人也言出入者互文耳出亦有蹕

漢儀注皇帝輦動左右侍帷幄者稱警出殿則傳蹕止人清道也

出稱蹕入言警韓安國傳師古曰蹕止行人也警令戒肅也天子出入皆備此儀而今云

出稱蹕入言警者互舉之耳

文帝拜張釋之為廷尉上行出中渭橋有一人從橋

下走乘輿馬驚於是使騎捕之屬廷尉釋之治問曰

縣人來聞蹕匿橋下久以為行過既出見車騎即走

耳釋之奏當此人犯蹕當罰金上怒曰此人親驚吾

馬馬賴和柔令它馬固不敗傷我乎而廷尉適當之

罰金釋之曰法者天子所與天下公共也今法如是

更重之是法不信於民也且方其時上使使誅之則

已今已下廷尉廷尉天下之平也壹傾天下用法皆

為之輕重民安所錯其手足唯陛下察之上良久曰
廷尉當是也本傳

廐馬雜錄附

太僕掌輿馬屬官有大廐未央家馬三令又車府路

輪騎馬駿馬四令丞又龍馬閑駒橐泉駒駉承華五

監長丞百官表徐天麟按漢舊儀云天子六廐未央承華駒駉騎馬路輪大廐馬皆萬匹三輔黃

圖都廐天子車馬所在中廐皇后車馬所在

漢初天子不能具醇駟食貨志

文帝二年詔太僕見馬遺財足餘皆以給傳置

元帝初元元年詔太僕減穀食馬

二年罷黃門乘輿狗馬

五年詔乘輿秣馬母乏正事而已

成帝建始二年減乘輿廐馬俱本紀

雜錄

文帝時有獻千里馬者詔曰鸞旗在前屬車在後吉

行日五十里師行三十里朕乘千里之馬獨先安之

於是還馬與道里費而下詔曰朕不受獻也其令四

方毋求來獻賈捐之傳

武帝元鼎四年馬生涯注水中本紀李斐曰南陽新野有暴利長遭刑屯

田燉煌界數於此水旁見羣野馬中有奇者與凡馬異來飲此水利長先作土人時勒絆於水旁後馬玩

習久之代土人持勒絆收得其馬獻之欲神異此馬云從水中出作天馬之歌本紀

後代大宛得千里馬馬名蒲稍次作以為歌樂書

金日磾輸黃門養馬牽馬過殿下馬又肥好拜為馬

監本傳

上官桀遷未央廐令武帝嘗體不安及愈見馬馬多

瘦上大怒令以我不復見馬邪欲下吏桀頓首曰臣

聞聖體不安日夜憂懼誠不在馬言未卒泣數行下

上以為忠外戚傳

元帝時貢禹奏言高祖孝文孝景皇帝循古節儉廐

馬百餘匹方今廐馬食粟將萬匹今民大飢而廐馬

食粟苦其太肥氣盛怒至乃日步作之願減損乘輿

服御廐馬可亡過數十匹天子納善其忠乃下詔令

太僕減食穀馬貢禹傳

百官車雜錄附

漢初將相或乘牛車食貨志

景帝中六年詔曰吏者民之師也車駕衣服宜稱令

長吏二千石車朱兩轡千石至六百石朱左轡本紀徐天

麟按後漢志云景帝詔六百石以上施車轡得銅五

末輓有吉陽箛中二千石以上右騏三百石以上皂

布蓋千石以上皂繪覆蓋二百石以下白布蓋皆有

四維杠衣賈人不得乘馬車除吏赤畫杠其餘皆青

朱買臣為會稽太守長安廐吏乘駟馬車來迎本傳張晏

日故事大夫乘官車駕駟

吳楚誅後諸侯貧者或乘牛車高五王贊

黃霸為潁川太守賜車蓋持高一丈別駕主簿車緹

油屏泥於軾前以章有德本傳

杜延年為御史大夫以老病乞骸骨天子優之賜安

車駟馬罷就第本傳師古曰坐乘之車也徐天麟按後漢輿服志云公列侯安車朱班輪

倚鹿較伏熊軾卓蓋倚鹿較者畫立鹿于車之前兩藩外也伏熊軾者車前橫軾為伏熊之形也

薛廣德為御史大夫與丞相定國大司馬車騎將軍

史高俱乞骸骨皆賜安車駟馬廣德東歸沛以為榮

縣其安車傳子孫本傳

武帝遣使者安車蒲輪束帛加璧徵魯申公武紀師古曰以

蒲裏輪取其安也

田千秋為相年老上優之朝見得乘小車出入宮殿

故因號曰車丞相本傳

武帝聞乘年老迺以安車蒲輪召乘枚乘傳

平帝元始三年王莽奏車服制度本紀

雜錄

輜車張良傳師古曰衣車

廣柳車季布傳置廣柳車中服虔曰東郡謂廣轍車為廣柳車鄭氏曰作大柳衣車若周禮喪車

也李奇曰廣柳大隆穹也晉灼曰周禮說衣翼柳柳聚也衆飾之所聚也此為載以喪車欲人不知也師古曰晉鄭二說是也隆穹所謂車輦者耳非此之謂也

輶車百乘牛車千兩貨殖傳

始元五年有一男子乘黃犢車建黃旒衣黃襜褕著

黃冒詣北闕自謂衛太子雋不疑傳

蔡義給事大將軍莫府家貧常步行資禮不逮衆門

下好事者相合為義買犢車令乘之本傳

東平王數私出入驅馳國中王尊為相召敕廐長大

王當從官屬鳴和鸞乃出自今有令駕小車叩頭爭

之王尊傳

楊惲家方隆盛時乘朱輪者十八

韓延壽在東郡時試騎士治飾兵車畫龍虎朱爵延

壽衣黃紉方領駕四馬傅總建幢棨植羽葆鼓車歌

車功曹引車皆駕四馬載棨戟五騎為伍分左右部

軍假司馬千人持幢旁轂治飾車甲三百萬以上蕭

望之劾延壽上僭不道

哀帝召龔勝為諫大夫勝薦龔舍甯壽侯嘉有詔皆

徵勝曰竊見國家徵醫巫常為駕徵賢者宜駕上曰

大夫乘私車來邪勝曰唯唯有詔為駕

韋元成以列侯侍祀孝惠廟當晨入天雨淖不駕駟

馬車而騎至廟下有司劾奏等輩數人皆削爵為關
內侯元成自傷貶黜父爵作詩自劾責曰惟我小子
不肅會同媿彼車服黜此附庸四方羣后我監我視
威儀車服惟肅是履並本傳

鮑宣為豫州牧行部乘傳去法駕駕一馬舍宿鄉亭
為眾所非宣坐免鮑宣傳

王氏一姓乘朱輪華轂者二十三人劉向傳

王莽謁九廟大駕乘六馬以五采毛為龍文衣著角
長三尺華蓋車元戎十乘在前王莽傳

西漢會要卷二十三

西漢會要卷二十四

宋 徐 天 麟 撰

輿服下

天子冠服皇后太子附

高祖以竹皮為冠令求盜之薛治時時冠之及貴常

冠所謂劉氏冠也八年令爵非公乘以上毋得冠劉

氏冠本紀徐天麟按後漢輿服志云劉氏冠楚冠制也祀宗廟諸祀則冠之此冠高祖所造故以為

祭服尊敬之謂也

高皇帝所述書天子所服第八天子衣服之制也曰於施行詔書第八

大謁者臣章受詔長樂宮曰令羣臣議天子所服相

國臣何等議曰春夏秋冬天子所服當法天地之數

中得人和臣請法之中謁者趙堯舉春李舜舉夏兒

湯舉秋貢禹舉冬四人各職一時大謁者襄章奏制

曰可魏相傳服虔曰主一時衣服禮物朝祭百事

文帝身衣弋絺本贊又賈誼云帝之身白衣阜絺

孝文身衣弋絺足履革舄以韋帶劍莞蒲為席兵木

無刃衣緼無文東方朔傳

聖文躬服節儉絺衣不做革鞜不穿揚雄傳

昭帝元鳳四年帝加元服本紀師古曰元首也冠者首之所著故曰元服

皇太后賜御府衣迎宣帝宣紀按少府屬官有御府令主天子衣服

元帝初元五年罷齊三服官本紀李斐曰齊國舊有首服純素為冬服輕綃為夏服徐天麟按貢禹傳禹奏故時齊三服官輸物不過十笥方今齊三服官作工各數千人一歲費數鉅萬天子納其言罷齊三服官

百官冠服雜錄附

爵非公乘以上毋得冠劉氏冠見上

景帝中六年詔曰吏者民之師也車駕衣服宜稱亡

度者或不吏服出入閭里與民無異令長吏車騎從

者不稱其官衣服下吏出入閭巷亡吏體者二千石

上其官屬三輔舉不如法令者紀本

阜衣谷永傳曰陛下擢之阜衣之吏蕭望之曰張敞備阜衣二十餘年如涪日雖有五時服至朝皆

百官冠服雜錄附

爵非公乘以上毋得冠劉氏冠見上

景帝中六年詔曰吏者民之師也車駕衣服宜稱亡

度者或不吏服出入閭里與民無異令長吏車騎從

者不稱其官衣服下吏出入閭巷亡吏體者二千石

上其官屬三輔舉不如法令者紀本

衣著阜

直指使者衣繡衣持斧武紀

柱後惠文張敞傳當以柱後惠文彈治之耳晉灼曰漢注法冠也一號柱後惠文以纒裏鐵柱

卷秦制執法服今御史服之謂之獬廌一角今冠兩角以獬廌為名耳師古曰纒即今日方紗也山爾反

卷去權反

郎侍中皆鷓鴣冠貝帶侯幸傳師古曰以鷓鴣毛羽飾冠司馬相如傳師古曰鷓

鷓鴣鳥也似山雞而小鷓背毛黃腹下赤項綠色其尾毛紅赤光彩鮮明今俗呼為山雞其實非也

貂羽黃金附蟬燕王旦傳注云侍中之飾

司隸冠進賢冠百官表

仄注冠五行志李奇注云仄注冠曰高山冠齊冠也謁者服

皮弁素績孝平王后傳劉歆以下四十九人賜皮弁素績師古曰皮弁以鹿皮為冠形如人手

之弁合也素績謂素裳也朱衣而素裳字或作積積謂襞積之若今之襪為也

方山冠五行志鄧展曰方山冠以五采縠為之樂舞人所服

雜錄

武安侯田恬坐衣襜褕入宮不敬免外戚表師古曰襜褕直裾禕衣也

朱博為刺史敕功曹官屬多褻衣大詔不中節度自

今掾史衣皆令去地三寸本傳

叔孫通儒服漢王憎之迺變其服服短衣楚製本傳

婁敬見高祖虞將軍欲與鮮衣敬曰臣衣帛衣帛見

衣褐衣褐見不敢易衣婁敬傳

江充召見願以所常被服冠見武帝許之充衣紗縠

禪衣曲裾後垂交輸冠禪纒步搖冠飛翮之纓本傳

雋不疑見暴勝之冠進賢冠帶櫛具劍佩環玦褻衣

博帶盛服至門上謁本傳

董偃緣幘傳講東方朔傳應劭曰宰人服也韋昭曰講形如射講以縛左右手於事便也

師古曰緣幘賤人之服也

臣庶衣服

漢初定與民無禁設車旗衣服之禁

高祖八年賈人毋得衣錦繡綺縠絺紵本紀

文帝時賈誼上疏言今民賈僮者為之繡衣絲履偏

諸緣內之閑中是古天子后服所以廟而不宴者也

而庶人得以衣婢妾白縠之表薄紃之裏縷以偏諸

美者黼繡是古天子之服今富人大賈嘉會召客者

以被牆庶人屋壁得為帝服倡優下賤得為后飾帝

之身白衣阜綈而富民牆屋被文繡天子之后以緣

其領庶人夔妾緣其履此臣所謂舛也本傳

成帝永始四年詔公卿列侯多蓄奴婢被服綺縠車

服過制申敕有司以漸禁之青綠民所常服且勿止

本紀

成帝微行私奴客皆白衣袒幘帶刀持劍五行志

白衣龔勝傳師古曰白衣給官府趨走賤人若今諸司亭長掌固之屬

璽

漢元帝十月沛公至霸上秦王子嬰封皇帝璽符節

降枳道旁本紀又霍光傳注云漢初有三璽天子之璽自佩行璽信璽在符節臺又漢舊儀云

皇帝六璽皆白玉螭虎紐文曰皇帝行璽皇帝之璽皇帝信璽天子行璽天子之璽天子信璽

代王至周勃跪上天子璽紀文

符璽御史周昌傳趙堯為符璽御史百官表云其御史尚符璽者有印綬

霍光輔少主殿中嘗有怪一夜羣臣相驚光召尚符

璽郎恐有變難欲收取璽郎不肯授光光欲奪之郎按劍曰臣

頭可得璽不可得也

霍光奏昌邑王受皇帝信璽行璽大行前就次發璽

不封並本傳

初高祖入咸陽至霸上秦王子嬰降於軹道奉上始

皇璽及高祖誅項籍即天子位因御服其璽世世傳

受號曰漢傳國璽以孺子未立璽藏長樂宮及莽即

位請璽太后不肯授莽莽使安陽侯舜諭指舜素謹

敕太后雅愛信之舜既見太后知其為莽求璽怒罵

之曰而屬父子宗族蒙漢家力富貴累世既無以報

受人孤寄乘便利時奪取其國不復顧恩義人如此

者狗豬不食其餘天下豈有而兄弟邪且若自以金匱符命爲新皇帝變更正朔服制亦當自更作璽傳之萬世何用此亡國不祥璽爲而欲求之我漢家老寡婦旦暮且死欲與此璽俱葬終不可得太后因涕泣而言旁側長御以下皆垂涕舜亦悲不能自止良久迺仰謂太后臣等已無可言者莽必欲得傳國璽太后寧能終不與邪太后聞舜語切恐莽欲脅之迺出漢傳國璽投之地以授舜曰我老已死知而兄弟今滅族也舜旣得傳國璽奏之莽大說迺爲太后置酒未央宮漸臺大縱衆樂元后傳

羣臣璽綬

諸侯王金璽

璽音辰綠也漢舊儀云諸侯王金璽橐佗紐文曰璽

相國丞相金印紫綬高帝十一年更名相國綠綬

太師太傅太保太尉左右前後將軍金印紫綬

御史大夫銀印青綬

凡吏秩比二千石以上皆銀印青綬光祿大夫無秩比六百以上皆銅印黑綬大夫博士御史謁者郎無其僕射御史治書尚符璽者有印綬比二百石以上皆銅印黃綬綏和元年長相皆黑綬建平二年復黃綬以上並百官表

武帝太初元年正曆以正月為歲首數用五本紀張晏曰漢

據土德上數五故用五謂印文也若丞相曰丞相之印章諸卿及守相印文不足五字者以之足之

楊僕懷銀黃垂三組本傳銀印也黃金印也僕懷三印故三組也

宣帝始賜單于印璽與天子同食貨志上

匈奴故印文曰匈奴單于璽本傳王莽更曰新匈奴單于章

方寸之印丈二之組鎮撫方外嚴助傳

印鞞陳遵傳謂印之組也

符節

天子璽符節高紀師古曰符謂諸所合符以為契者命者持之以為信也節以毛為之上下相重取象竹節將

高祖與功臣剖符作誓本紀

文帝二年初與郡守為銅虎符竹使符本紀應劭曰銅虎符第一

至五國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第

五張晏曰符以代古之珪璋從簡易也師古曰與郡守為符者謂各分其半右留京師左以與之使音所

反吏

武帝征和二年更節加黃旄初漢節純赤以戾太子

持赤節故更為黃旄加上以相別本紀及劉屈氂傳

少府屬官有符節令丞百官表

襄平侯紀通尚符節呂后紀

齊王欲發兵誅諸呂魏勃曰王欲發兵非有漢虎符

驗也高五王傳

七國敗弓高侯告膠西王印曰未有詔虎符擅發兵

王其自圖之吳王濞傳

武帝曰吾新即位不欲出虎符發兵郡國嚴助傳

御史中丞劾馮野王持虎符出界歸家遂免本傳

淮南王盜寫虎符賈捐之傳

閩越王弟餘善殺王以降遣使者上符節請所立嚴助傳

伍符馮唐傳伍伍相保之符也

衛太子擅發兵盧賀坐受太子節掠死功臣表

任安坐受太子節懷二心要斬劉屈氂傳

霍光奏昌邑王自之符璽取節十六朝暮臨從官持

節從本傳

關傳

文帝十二年除關無用傳本紀張晏曰傳信也若今過所也師古曰古者或用

柴或用繪帛柴者刻木為合符也

景帝四年復置諸關用傳出入本紀應劭曰以七國新反備非常

宣帝本始四年詔曰今歲不登民以車船載穀入關

者得毋用傳本紀

甯成詐刻傳出關本傳

終軍從濟南當詣博士步入關關吏予軍繻軍問以此何為吏曰為復傳還當以合符軍曰大丈夫西游終不復傳還棄繻而去軍為謁者使行郡國建節東出關關吏識之曰此使者乃前棄繻生也本傳

西漢會要卷二十四

西漢會要卷二十五

宋 徐天麟 撰

學校上

太學

高帝尚有干戈平定四海未遑庠序之事儒林傳序

武帝興太學本贊徐天麟按三輔黃圖云太學在長安西北七里市有獄

董仲舒對策曰養士之大者莫大庠太學太學者賢

士之所關也教化之本原也願陛下興太學置明師

以養天下之士武帝立學校之官皆自仲舒發之本傳

元朔五年制曰蓋聞導民以禮風之以樂婚姻者居

西漢會要卷二十四

室之大倫也今禮廢樂崩朕甚愍焉故詳延天下方
聞之士咸登諸朝其令禮官勸學講議洽聞舉遺興
禮以爲天下先太常議予博士弟子崇鄉里之化以
厲賢材焉謹與太常臧博士平等議曰聞三代之道
鄉里有教夏曰校殷曰序周曰庠其勸善也顯之朝
廷其懲惡也加之刑罰故教化之行也建首善自京
師始繇內及外今陛下昭至德開大明配天地本人
倫勸學興禮崇化厲賢以風四方太平之原也古者
政教未洽不備其禮請因舊官而興焉爲博士官置
弟子五十人復其身太常擇民年十八以上儀狀端

正者補博士弟子郡國縣官有好文學敬長上肅政
教順鄉里出入不悖所聞令相長丞上屬所二千石
二千石謹察可者常與計偕詣太常得受業如弟子
一歲皆輒課能通一藝以上補文學掌故闕其高第
可以爲郎中太常籍奏卽有秀才異等輒以名聞其
不事學若下材及不能通一藝輒罷之而請諸能稱
者臣謹按詔書律令下者明天人分際通古今之誼
文章爾雅訓辭深厚恩施甚美小吏淺聞弗能究宣
亡以明布諭下以治禮掌故以文學禮義爲官遷留
滯請選擇其秩比二百石以上及吏百石通一藝以

上補左右內史大行卒史比百石以下補郡太守卒
史皆各二人邊郡一人先用誦多者不足擇掌故以
補中二千石屬文學掌故補郡屬備員請著功令它
如律令制曰可自此以來公卿大夫士吏彬彬多文
學之士矣昭帝時舉賢良文學增博士弟子員滿百
人宣帝末增倍之元帝好儒能通一經者皆復數年
以用度不足更爲設員千人郡國置五經百石卒史
成帝末或言孔子布衣養徒三千人今天子太學弟
子少於是增弟子員三千人歲餘復如故平帝時王
莽秉政增元士之子得受業如弟子勿以爲負歲課

甲科四十人爲郎中乙科二十人爲太子舍人丙科

四十人補文學掌故云

儒林傳序

武帝立五經博士開弟子員設科射策訖于元始一
經說至百餘萬言大師衆至千餘人

儒林傳贊

元帝初元五年罷博士弟子毋置員以廣學者永光
三年冬復博士弟子員

本紀

辟靡

武帝封泰山還兒寬上壽曰閒者聖統廢絕陛下發

憤祖立明堂辟靡

兒寬傳師古曰祖始也

河間獻王來朝獻雅樂對三雍宮

景十三王傳應劭曰辟靡明堂靈臺

也雍和也言天地君臣人民皆和也

成帝時榑為郡於水濱得古磬十六枚劉向因是說上宜興辟靡設庠序陳禮樂隆雅頌之聲盛揖讓之容以風化天下成帝以向言下公卿議會向病卒丞相大司空奏請立辟靡案行長安城南營表未作遭成帝崩羣臣引以定諡及王莽為宰衡欲耀衆庶遂興辟靡因以篡位世祖中興迺營立明堂辟靡顯宗卽位躬行其禮養三老五更於辟靡威儀既盛美矣

禮樂志徐天麟按三輔黃圖漢辟靡在長安西北七里河間獻王來朝獻雅樂武帝對之三雍宮卽此

平帝元始五年劉歆孔永孫遷平晏四人使治明堂

辟靡得萬國驩心功侯各千戶思澤侯表

郡國學

文翁為蜀郡守仁愛好教化見蜀地辟陋有蠻夷風文翁欲誘進之乃選郡縣小吏開敏有材者張叔等十餘人親自飭厲遣詣京師受業博士或學律令減省少府用度買刀布蜀物齋計吏以遺博士數歲蜀生皆成就還歸文翁以為右職用次察舉官有至郡守刺史者又修起學宮於成都市中招下縣子弟以力田常選學官子為除更繇高者以補郡縣吏次為孝弟子使在復受事每出行縣益從

學官諸生明經飭行者與俱使傳教令出入閭閻縣
邑吏民見而榮之數年爭欲為學官弟子富人至出
錢以求之繇是大化蜀地學於京師者比齊魯焉至
武帝時乃令天下郡國皆立學校官自文翁為之始

云循吏傳

元帝郡國置五經百石卒史儒林序

平帝元始三年立學官郡國曰學邑侯國曰校校學

置經師一人鄉曰庠聚曰序序庠置孝經師一人紀本

何武為刺史行部必先即學宮見諸生試其誦論問

以得失本傳

圖書上

漢興改秦之敗大收篇籍廣開獻書之路迄孝武世
書缺簡脫禮壞樂崩聖上喟然而稱曰朕甚閔焉於
是建藏書之策置寫書之官下及諸子傳說皆充祕
府至成帝時以書頗散亡使謁者陳農求遺書於天
下詔光祿大夫劉向校經傳諸子諸賦步兵校尉任
宏校兵書太史令尹咸校數術侍醫李柱國校方技
每一書已向輒條其篇目撮其指意錄而奏之會向
卒哀帝復使向子侍中奉車都尉歆卒父業歆於是
總羣書而奏其七畧故有輯畧有六藝畧有諸子畧

有詩賦畧有兵書畧有術數畧有方技畧今刪其要
以備篇籍藝文志下同

凡易十三家二百九十四篇易道深矣人更三聖世
歷三古及秦燔書而易爲筮卜之事傳者不絕漢興
田何傳之訖于宣元有施孟梁邱京氏列于學官而
民間有費高二家之說劉向以中古文易經校施孟
梁邱經或脫去无咎悔亡唯費氏經與古文同

凡書九家四百一十二篇書之所起遠矣至孔子纂
焉上斷于堯下訖于秦凡百篇而爲之序言其作意
秦燔書禁學濟南伏生獨壁藏之漢興亡失求得二

十九篇以教齊魯之間訖孝宣世有歐陽大小夏侯
氏立于學官古文尙書者出孔子壁中武帝末魯共
王壞孔子宅欲以廣其宮而得古今文尙書及禮記
論語孝經凡數十篇皆古字也共王往入其宅聞鼓
琴瑟鐘磬之音于是懼乃止不壞孔安國孔子後也
悉得其書以考二十九篇得多十六篇安國獻之遭
巫蠱事未列于學官劉向以中古文校歐陽大小夏
侯三家經文酒誥脫簡一召誥脫簡二率簡二十五
字者脫亦二十五字簡二十二字者脫亦二十二字
文字異者七百有餘脫字數十書者古之號令號令

于衆其言不立具則聽受施行者弗曉古文讀應爾雅故解古今語而可知也

凡詩六家四百一十六卷漢興魯申公爲詩訓故而齊轅固燕韓生皆爲之傳或取春秋采雜說咸非其本義與不得已魯最爲近之三家皆列于學官又有毛公之學自謂子夏所傳而河間獻王好之未得立凡禮十三家五百五十五篇漢興魯高堂生傳士禮十七篇訖孝宣世后倉最明戴聖慶普皆其弟子三家立于學官禮古經者出于魯淹中及孔氏學七十篇文相似多二十九篇及明堂陰陽王史氏記所見多天子諸侯卿大夫之制雖不能備猶愈倉等推士禮而致于天子之說

凡樂六家百六十五篇漢興制氏以雅樂聲律世在樂官頗能紀其鏗鏘鼓舞而不能言其義六國之君魏文侯最爲好古孝文時得其樂人竇公獻其書乃周官大宗伯之大司樂章也武帝時河間獻王好儒與毛生等共采周官及諸子言樂事者以作樂記獻八佾之舞與制氏不相遠其內史丞王定傳之以授常山王禹禹成帝時爲謁者數言其義獻二十四卷及劉向校書得樂記二十三篇與禹不同其道寢以

益微

凡春秋二十三家九百四十八篇周室既微載籍殘缺仲尼與左邱明觀魯史記因興以立功就敗以成罰邱明論本事而作傳及末世有公羊穀梁鄒夾之傳四家之中公羊穀梁立于學官鄒氏無師夾氏未有書

凡論語十二家二百二十九篇漢興有齊魯之說傳齊論者昌邑中尉王吉少府宋畸御史大夫貢禹尙書令五鹿充宗膠東庸生唯王陽名家傳魯論語者常山都尉龔奮長信少府夏侯勝丞相韋賢魯扶卿前將軍蕭望之安昌侯張禹皆名家張氏最後而行於世

凡孝經十一家五十九篇漢興長孫氏博士江翁少府后倉諫大夫翼奉安昌侯張禹傳之各自名家經文皆同唯孔氏壁中古文爲異父母生之續莫大焉故親生之膝下諸家不安處古文字讀皆異

凡小學十家四十五篇古者八歲入小學故周官保氏掌養國子教之六書謂象形象事象意象聲轉注假借造字之本也漢興蕭何草律亦著其法曰太史試學童能諷書九千字以上乃得爲史又以六體試

之課最者以爲尙書御史史書令史吏民上書字或不正輒舉劾六體者古文奇字篆書隸書繆篆蟲書皆所以通知古今文字摹印章書幡信也漢興閭里書師合蒼頡爰歷博學三篇斷六十字以爲一章凡五十五章並爲蒼頡篇武帝時司馬相如作凡將篇無復字元帝時黃門令史游作急就篇成帝時將作大匠李長元尙篇皆蒼頡中正字也凡將則頗有出矣至元始中徵天下通小學者以百數各合記字於庭中揚雄取其有用者以作訓纂篇順續蒼頡又易蒼頡中重複之字凡八十九章臣復續揚雄作十三章凡一百三章無復字六藝羣書所載略備矣蒼頡多古字俗師失其讀宣帝時徵齊人能正讀者張敞從受之傳至外孫之子杜林爲作訓故並列篇

凡六藝一百三家三千一百二十三篇

西漢會要卷二十五

西漢會要卷二十六

宋 徐天麟 撰

學校下

圖書下
求遺書附

儒五十三家八百三十六篇

道三十七家九百九十三篇

陰陽二十一家三百六十九篇

法十家二百一十七篇

名七家三十六篇

墨六家八十六篇

從橫十二家百七篇

雜二十家四百三篇

農九家百一十四篇

小說十五家千三百八十篇

凡諸子百八十九家四千三百二十四篇

賦二十家三百六十一篇

賦二十一家二百七十四篇

賦二十五家百三十六篇

雜賦十二家二百三十三篇

歌詩二十八家三百一十四篇

凡詩賦百六家千三百一十八篇

兵權謀十三家二百五十九篇

兵形勢十一家九十二篇圖十八卷

陰陽十六家二百四十九篇圖十卷

兵技巧十三家百九十九篇

凡兵書五十三家七百九十篇圖四十三卷漢興

張良韓信序次兵法凡百八十二家刪取要用定

著三十五家諸呂用事而盜取之武帝時軍政楊

僕摺摭遺逸紀奏兵錄猶未能備至於孝成命任

宏論次兵書為四種

天文二十一家四百四十五卷

厯譜十八家六百六卷

五行三十一家六百五十二卷

著龜十五家四百一卷

雜占十八家三百一十三卷

形法六家百二十二卷

凡數術百九十家二千五百二十八卷

醫經七家二百一十六卷

經方十一家二百七十四卷

房中八家百八十六卷

神仙十家二百五卷

凡方技三十六家八百六十八卷

大凡書六略三十八種五百九十六家萬三千二百

六十九卷 並藝文志

求遺書

漢元年高祖入關蕭何盡收秦丞相府圖籍文書 紀本

惠帝四年除挾書律 紀本

御史中丞在殿中蘭臺掌圖籍祕書 百官表徐天麟謹按通典云漢

凡圖書所在有石渠石室延閣廣內貯之于外府又有御史中丞居殿中掌蘭臺祕書及麒麟天祿二閣

藏之于內禁

成帝河平三年劉向校中祕書謁者陳農使使求遺書于天下

本紀徐天麟謹按劉歆七畧云外則有太常太史博士之藏內則有延閣廣內祕丞

府之

史記石室金縢之書

司馬遷傳

蘇昌為太常坐籍霍山書泄祕書免

百官表師古曰以祕書借霍山

霍山坐寫祕書自殺

霍光傳

河間獻王修學好古實事求是從民得善書必為好寫與之留其真加金帛賜以招之繇是四方道術之人不遠千里或有先祖舊書多奉以奏獻王者故得書多與漢朝等是時淮南王安亦好書所招致率多

浮辯獻王所得書皆古文先秦舊書周官尚書禮禮記孟子老子之屬皆經傳說記七十子之徒所論其學舉六藝立毛氏詩左氏春秋博士修禮樂被服儒術造次必于儒者山東諸儒多從而遊

本傳

講論經義

校讐附

瑕邱江公受穀梁春秋及詩于魯申公傳至子孫為博士武帝時江公與董仲舒並仲舒通五經能持論善屬文江公訥于口上使與仲舒議不如仲舒而丞相公孫宏本為公羊學比輯其議卒用董生于是上因尊公羊家詔太子受公羊春秋由是公羊大興太

子既通復私問穀梁而善之其後寢微唯魯榮廣王孫皓星公二人受焉廣盡能傳其詩春秋高材捷敏與公羊大師眭孟等論數困之故好學者頗復受穀梁沛蔡千秋少君梁周慶幼君丁姓子孫皆從廣受千秋又事皓星公爲學最篤宣帝卽位聞衛太子好穀梁春秋以問丞相韋賢長信少府夏侯勝及侍中樂陵侯史高皆魯人也言穀梁子本魯學公羊氏乃齊學也宜興穀梁時千秋爲郎召見與公羊家並說上善穀梁說擢千秋爲諫大夫給事中後有過左遷平陵令復求爲穀梁者莫及千秋上愍其學且絕乃

以千秋爲郎中戶將選郎十人從受汝南尹更始翁君本自事千秋能說矣會千秋病死召江公孫爲博士劉向以故諫大夫通達待詔受穀梁欲令助之江博士復死乃召周慶丁姓待詔保宮使卒授十人自元康中始講至甘露元年積十餘歲皆明習乃召五經名儒太子太傅蕭望之等大議殿中平公羊穀梁同異各以經處是非時公羊博士嚴彭祖侍郎申輓伊推宋顯穀梁議郎尹更始待詔劉向周慶丁姓並論公羊家多不見從願請內侍郎許廣使者亦並內穀梁家中郎王亥各五人議三十餘事望之等十一

人各以經誼對多從穀梁由是穀梁之學大盛儒林傳

孝宣甘露三年三月詔諸儒講論五經同異太子太

傅蕭望之等平奏其議上親稱制臨決焉紀本

韋元成拜淮揚中尉受詔與蕭望之及五經諸儒雜

論同異于石渠閣條奏其對元成傳徐天麟謹按三輔黃圖云石渠閣蕭何

造其下龍石為渠以導水若今御溝因為閣名所藏入閣所得秦之圖籍至成帝又于此藏書焉天祿藏

麒麟閣蕭何造以藏書處賢才也

施雠受王孫易為博士甘露中與五經諸儒雜論同

異于石渠閣傳本

梁邱臨傳賀易甘露中奉使問諸儒于石渠梁邱賀傳

歐陽地餘傳尚書為博士論石渠歐陽生傳

林尊為博士論石渠傳本

周堪與孔霸俱事大夏侯勝論于石渠經為最高傳本

張山拊事小夏侯建為博士論石渠傳本

張生薛廣德以魯詩論石渠王式傳

戴德號大戴聖號小戴以博士論石渠孟卿傳

聞人通漢以太子舍人論石渠同上

劉向受穀梁講論五經于石渠本傳注云三輔舊事石渠閣在未央宮大

殿北以藏祕書

五經雜議十八篇

書議奏四十二篇

禮議奏三十八篇

春秋議奏三十九篇

論語議奏十八篇

並見藝文志注云
宣帝時石渠論

少府五鹿充宗貴幸為梁邱易自宣帝時善梁邱氏說元帝好之欲考其異同令充宗與諸易家議充宗乘貴辯口諸儒莫能與抗皆稱疾不敢會有薦朱雲者召入攝齋登堂抗首而請音動左右既論難連柱五鹿君故諸儒為之語曰五鹿嶽嶽朱雲折其角繇是為博士

朱雲傳

成帝河平三年詔光祿大夫劉向校經傳諸子詩賦步兵校尉任宏校兵書太史令尹咸校數術侍醫李柱國校方技每一書已向輒條其篇目撮其指意錄而奏之會向卒子歆卒父業歆于是總羣書而奏其七畧有輯畧有六藝畧有諸子畧有詩賦畧有兵書畧有術數畧有方技畧

藝文志

班伯受詩于師丹大將軍王鳳薦伯宜勸學召見宴昵殿容貌甚麗誦說有法拜為中常侍時上方鄉學鄭寬中張禹朝夕入說尚書論語于金華殿中詔伯受焉既通大義又講異同于許商遷奉車都尉數年

金華之業絕出敘傳

揚雄校書天祿閣本傳

國史

楚漢春秋九篇陸賈所記

高祖傳十三篇高祖與大臣述古語及詔策也

孝文傳十一篇文帝所稱及詔策

太史公百三十篇十篇有錄無書

馮商所續太史公七篇商受詔續

漢著記百九十卷師古曰若今之起居注

漢大年紀五篇以上並藝文志

史記石室金鑽之書司馬遷傳

柱下方書張蒼為御史主柱下方書

太常屬官有太史令丞百官表

司馬氏世典周史至談為太史公太史公仕于建元

元封之間如淳曰漢儀注太史公武帝置位在丞相上太史公副上丞相序事

如古春秋遷死後宣帝以其官為令行太史公文書而已晉灼曰百官表無太史公在丞相上又衛宏所說多不實未可以為正師古曰談為太史

令耳遷尊其父故謂之為公如說非也太史公既

掌天官不治民有子曰遷遷生龍門耕牧河山之陽

年十歲則誦古文二十而南遊江淮上會稽探禹穴

窺九疑浮沅湘北涉汶泗講業齊魯之都觀夫子遺

風鄉射鄒嶧阨困蕃薛彭城過梁楚以歸于是遷仕
爲郎中奉使西征巴蜀以南畧邛笮昆明遷報命是
歲天子始建漢家之封而太史公留滯周南不得與
從事發憤且卒而子遷適反見父于河雒之間太史
公執遷手而泣曰子先周室之太史也自上世嘗顯
功名虞夏與天官事後世中衰絕于予乎女復爲太
史則續吾祖矣今天子接千歲之統封泰山而予不
得從行是命也夫命也夫予死爾必爲太史毋忘吾
所欲論著矣且夫孝始于事親中于事君終于立身
揚名于後世以顯父母此孝之大也夫天下稱周公
言其能論歌文武之德宣周召之風達太王王季思
慮爰及公劉以尊后稷也幽厲之後王道缺禮樂衰
孔子修舊起廢論詩書作春秋學者至今則之自獲
麟以來四百有餘歲而諸侯相兼史記放絕今漢興
海內一統明主賢君忠臣義士予爲太史而不論載
廢天下之文予甚懼焉爾其念哉遷俯首流涕曰小
子不敏請悉論先人所次舊聞不敢闕卒三歲而遷
爲太史令緇史記石室金縢之書五年而當太初元
年十一月甲子朔旦冬至天歷始改建于明堂諸神
受紀太史公曰先人有言自周公卒五百歲而有孔

子孔子至于今五百歲有能紹而明之正易傳繼春秋本詩書禮樂之際意在斯乎意在斯乎小子何敢讓焉于是論次其文卒述陶唐以來至于麟止自黃帝始惟漢繼五帝末流接三代絕業周道既廢秦撥去古文焚滅詩書故明堂石室金縢玉版圖籍散亂漢興蕭何次律令韓信申軍法張蒼爲章程叔孫通定禮儀則文學彬彬稍進詩書往往間出自曹參薦蓋公言黃老而賈誼鼂錯明申韓公孫宏以儒顯百年之間天下遺文古事靡不畢集太史公仍父子相繼纂其職曰於戲余維先人嘗掌斯事顯于唐虞至于周復典之故司馬氏世主天官至于余乎欽念哉罔羅天下放失舊聞王迹所興原始察終見盛觀衰論考之行事畧三代錄秦漢上記軒轅下至于茲著十二本紀既科條之矣並時異世年差不明作十表禮樂損益律歷改易兵權山川鬼神天人之際承倣通變作八書二十八宿環北辰三十幅共一轂運行無窮輔弼股肱之臣配焉忠信行道以奉主上作三十世家扶義倣儻不令已失時立功名于天下作七十列傳凡百三十篇五十二萬六千五百字爲太史公書序畧以拾遺補藝成一家言協六經異傳齊百

家雜語藏之名山副在京師以竣後聖君子而十篇

闕有錄無書

張晏曰遷沒之後亡景紀武紀禮書樂書兵書漢興以來將相年表日者列傳

三王世家龜策列傳傳元成之間褚先生補闕作武帝紀三王世家龜策日者傳言辭鄙陋非遷本意師古曰序日本無兵書張云亡失此說非也劉奉世曰兵書即律書蓋當時有爾

後其書稍出宣帝時遷外孫平通侯楊惲祖述其書

遂宣布焉

司馬遷傳

賜書

諸侯王求書附

班游進讀羣書成帝賜以祕書之副

敘傳

東平思王來朝上疏求諸子及太史公書上以問大

將軍王鳳對曰臣聞諸侯朝聘考文章正法度非禮

不言今東平王幸得來朝不思制節謹度以防危失

而求諸書非朝聘之義也諸子書或反經術非聖人

或明鬼神信物怪太史公書有戰國從橫權譎之謀

漢興之初謀臣奇策天官災異地形阨塞皆不宜在

諸侯王不可予不許之辭宜曰五經聖人所制萬事

靡不畢載王審樂道傳相皆儒者旦夕講誦足以正

身虞意夫小辯破義小道不通致遠恐泥皆不足以

留意諸益於經術者不愛於王對奏天子如鳳言遂

不與

宣元六王傳

黜百家

孝武初立卓然罷黜百家表章六經贊本

董仲舒對策曰春秋大一統者天地之常經古今之通誼也今師異道人異論百家殊方指意不同是以上亡以持一統法制數變下不知所守臣愚以為諸不在六藝之科孔子之術者勿使並進邪辟之說滅息然後統紀可一而法度可明民知所從矣本傳
建元元年丞相綰奏所舉賢良或治申商韓非蘇秦張儀之言亂國政請皆罷奏可本紀

西漢會要卷二十六

西漢會要卷二十七

宋 徐 天 麟 撰

運歷上

五運正朔服色附

自齊威宣時騶子之徒論著終始五德之運如淳曰今其書

有五德終始五德各以所勝為行秦謂周為火德滅火者水故自謂水德師古曰騶子即騶衍及秦

帝而齊人奏之故始皇采用之郊祀志

秦兼天下頗推五勝而自以為獲水德乃以十月為

正色尚黑漢興方綱紀大基庶事草創襲秦正朔以

北平侯張蒼言用顓頊歷然正朔服色未覩其真云

西漢書卷二十七
一
云律歷

高祖立為沛公旗幟皆赤由所殺蛇白帝子所殺者赤帝子故也

本紀

漢承堯運德祚已盛斷蛇著符旗幟上赤協於火德

自然之應得天統矣

高帝贊

漢興高祖曰北時待我而起亦自以為獲水德之瑞雖明習歷及張蒼等咸以為然是時天下初定方綱紀大基高后女主皆未遑故襲秦正朔服色

歷書

文帝時賈誼以為漢興二十餘年宜當改正朔易服色制度迺草具儀其儀法色上黃數用五帝謙讓未

遑也

本傳

文帝十六年魯人公孫臣上書曰始秦得水德及漢受之推終始傳則漢當土德土德之應黃龍見宜改正朔服色上黃張蒼以為漢迺水德之時河決金隄其符也年始冬十月色外黑內赤與德相應公孫臣言非是罷之明年黃龍見成紀文帝召公孫臣拜為博士與諸生申明土德草改歷服色事新垣平玉杯詐覺是後文帝怠於改正服鬼神之事

郊祀志

武帝即位天下艾安縉紳之屬皆望天子封禪改正度也趙綰王臧議草改歷服色事未就竇太后不好

儒術使人按縮臧縮臧自殺郊祀志

元封七年司馬遷等言歷紀壞廢宜改正朔是時御

史大夫兒寬明經術上迺詔寬曰今宜何以為正朔

服色何上寬與博士賜等議皆曰帝王必改正朔易

服色所以明受命於天也創業變改制不相復推傳

序文則今夏時也於是迺詔以七年為元年律歷志

太初元年夏五月正歷以正月為歲首色上黃數用

五張晏曰漢據土德土數五故用五定官名協音律本紀

班固曰漢興之初庶事草創唯一叔孫生畧定朝廷

之儀若迺正朔服色郊望之事數世猶未章焉至於

孝文始以夏郊而張蒼據水德公孫臣賈誼更以為

土德卒不能明孝武之世文章為盛太初改制而兒

寬司馬遷等猶從臣誼之言服色數度遂順黃德彼

以為五德之傳從所不勝秦在水德故漢據土而克

之劉向父子以為帝出于震故包羲氏始受木德其

後以母傳子終而復始自神農皇帝下歷唐虞三代

而漢得火焉故高祖始起神母夜號著赤帝之符旗

章遂赤自得天統矣昔共工氏以水德間于木火與

秦同運非其次序故皆不永由是言之祖宗之制蓋

有自然之應順時宜矣郊祀志贊

西漢書卷二十七
三
厯

漢興方綱紀大基庶事草創襲秦正朔以北平侯張蒼言用顓頊厯比於六厯疏闊中最爲微近然正朔服色未覩其真而朔晦月見弦望滿虧多非是至武帝元封七年漢興百二歲矣太中大夫公孫卿壺遂太史令司馬遷等言厯紀壞廢宜改正朔是時御史大夫兒寬明經術上迺詔寬曰與博士共議今宜何以爲正朔服色何上寬與博士賜等議皆曰帝王必改正朔易服色所以明受命於天也創業變改制不相復推傳序文則今夏時也臣等問學褊陋不能明陛下躬聖發憤昭配天地臣愚以爲三統之制後聖復前聖者二代在前也今二代之統絕而不序矣唯陛下發聖德宣考天地四時之極則順陰陽以定大明之制爲萬世則於是迺詔御史曰迺者有司言厯未定廣延宣問以考星度未能讎也蓋聞古者黃帝合而不死名察發斂定清濁起五部建氣物分數然則上矣書缺樂弛朕甚難之依違以惟未能修明其以七年爲元年遂詔卿遂遷與侍郎尊大典星射姓等議造漢厯迺定東西立晷儀下漏刻以追二十八宿相距於四方舉終以定朔晦分至躔離弦望迺以

西漢書要卷二十七 四
前歷上元泰初四千六百一十七歲至於元封七年復得闕逢攝提格之歲中冬十一月甲子朔旦冬至日在建星太歲在子已得太初本星度新正姓等奏不能爲算願募治歷者更造密度各自增減以造漢太初歷迺選治歷鄧平及長樂司馬可酒泉侯宜君侍郎尊及與民間治歷者凡二十餘人方士唐都巴郡落下閎與焉都分天部而閎運算轉歷其法以律起歷曰律容一龠積八十一寸則一日之分也與長相終律長九寸百七十一分而終復三復而得甲子夫律陰陽九六爻象所從出也故黃鍾紀元氣之

謂律律法也莫不取法焉與鄧平所治同於是皆觀新星度日月行更以算誰如閎平法法一月之日二十九日八十一分日之四十三先藉半日名曰陽歷不藉名曰陰歷所謂陽歷者先朔月生陰歷者朔而後月迺生平曰陽歷朔皆先旦月生以朝諸侯王羣臣便迺詔遷用鄧平所造八十一分律歷罷廢尤疏遠者十七家復使校律歷昏明宦者淳于陵渠復覆太初歷晦朔弦望皆最密日月如合璧五星如連珠陵渠奏狀遂用鄧平歷以平爲太史丞後二十七年元鳳三年太史令張壽王上書言歷者天地之大紀

西漢書卷二十七
五
上帝所爲傳黃帝調律歷漢元年以來用之今陰陽
不調乃更歷之過也詔下主歷使者鮮于妄人詰問
壽王不服妄人請與治歷大司農中丞麻光等二十
餘人雜候日月晦朔弦望八節二十四氣鈞校諸歷
用狀奏可詔與丞相御史大將軍右將軍史各一人
雜候上林清臺課諸歷疏密凡十一家以元鳳三年
十一月朔旦冬至盡五年十二月各有第壽王課疏
遠案漢元年不用黃帝調歷壽王非漢歷逆天道非
所宜言大不敬有詔勿劾復候盡六年太初歷第一
卽墨徐萬曰長安徐禹治太初歷亦第一壽王及待
詔李信治黃帝調歷課皆疏闊又言黃帝至元鳳三
年六千餘歲丞相屬寶長安單安國安陵栢育治終
始言黃帝以來三千六百二十九歲不與壽王合壽
王又移帝王錄舜禹年歲不合人年壽王言化益爲
天子代禹驪山女亦爲天子在殷周間皆不合經術
壽王歷適太史官殷歷也壽王猥曰安得五家歷又
妄言太初歷虧四分日之三去小餘七百五分以故
陰陽不調謂之亂世劾壽王吏八百石古之大夫服
儒衣誦不祥之辭作妖言欲亂制度不道奏可壽王
候課比三年下終不服再劾死更赦勿劾遂不更言

西漢書卷之二十一
六
誹謗益甚竟以下吏故歷本之驗在於天自漢歷初起盡元鳳六年三十六歲而是非堅定至孝成世劉向總六歷列是非作五紀論向子歆究其微眇作三統歷及譜以說春秋推法密要故述焉律歷志

漢興高祖曰北時待我而起亦自以為獲水德之瑞雖明習歷及張蒼等咸以為然是時天下初定方綱紀大基高后女主皆未遑故襲秦正朔服色至孝文時魯人公孫臣以終始五德上書言漢得土德宜更元改正朔易服色當有瑞瑞黃龍見事下丞相張蒼張蒼亦學律歷以為非是罷之其後黃龍見成紀張

蒼自黜所欲論著不成而新垣平以望氣見頗言正

歷服色事貴幸後作亂故孝文皇帝廢不復問至今

上即位招致方士唐都分天部

漢書音義曰謂分二十八宿為躔度而

巴落下閔運算轉歷然後日辰之度與夏正同乃改

元更官號封泰山因詔御史曰乃者有司言星度之

未定也廣延宣問以理星度未能讎也蓋聞昔者黃

帝合而不死名察發斂定清濁起五部建氣物分數

應劭曰言黃帝造歷得仙名節會察寒暑致啓閉分至定清濁起五部五部金木水火土也建氣物分數皆敘歷之意也孟康曰合作也黃帝作歷歷終復始無窮已故曰不死清濁律聲之清濁也五部五行也天有四時分爲五行也氣二十四氣物萬物也分歷數之分也瓚曰黃帝聖德與虛合契升龍登仙於天

故曰合而不死題名宿度候察然蓋尚矣書缺樂弛

進退謂三辰之度吉凶之驗也

朕甚閔焉朕唯未能循明也紬績日分率應水德之

勝徐廣曰蓋以為今日順夏至黃鐘為宮林鐘為徵

太簇為商南呂為羽姑洗為角自是以後氣復正羽

聲復清名復正變以至子日當冬至則陰陽離合之

道行焉十一月甲子朔旦冬至已詹其更以七年為

太初元年年名焉逢攝提格徐廣曰歲陰在寅左月

名畢聚日得甲子夜半朔旦冬至書

漢興北平侯張蒼首律歷事孝武帝時樂官考正至

元始中王莽秉政欲耀名譽徵天下通知鐘律者百

餘人使羲和劉歆等典領條奏言之最詳故刪其偽

辭取正義著于篇律歷

漢高祖皇帝著紀伐秦繼周木生火故為火德天下

號曰漢距上元年十四萬三千二十五歲歲在大棣

之東井二十二度鶉首之六度也故漢志曰歲在大

棣名曰敦牂太歲在午八年十一月乙巳朔旦冬至

楚元三年也故殷歷以為丙午距元朔七十六歲著

紀高帝即位十二年

惠帝著紀即位七年

高后著紀即位八年

西漢書卷二十七
文帝前十六年後七年著紀卽位二十三年

景帝前七年中六年後三年著紀卽位十六年

武帝建元元光元朔各六年元朔六年十一月甲申朔旦冬至殷歷以爲乙酉距初元七十六歲元狩元鼎元封各六年漢歷太初元年距上元十四萬三千一百二十七歲前十一月甲子朔旦冬至歲在星紀癸女六度故漢志曰歲名困敦正月歲星出癸女太初天漢太始征和各四年後二年著紀卽位五十四年

昭帝始元元鳳各六年元平一年著紀卽位十三年

宣帝本始地節元康神爵五鳳甘露各四年黃龍一年著紀卽位二十五年

元帝元初二年十一月癸亥朔旦冬至殷歷以爲甲子以爲紀首是歲也十月日食非合辰之會不得爲紀首距建武七十六歲初元永光建昭各五年竟寧一年著紀卽位十六年

成帝建始河平陽朔鴻嘉永始元延各四年綏和二年著紀卽位二十六年

哀帝建平四年元壽二年著紀卽位六年

平帝著紀卽位元始五年以宣帝元孫嬰爲嗣謂之

孺子孺子著紀新都侯王莽居攝三年王莽居攝盜襲帝位竊號曰新室始建國五年天鳳六年地皇三年著紀盜位十四年更始帝著紀以漢宗室滅王莽即位二年赤眉賊立宗室劉盆子滅更始帝自漢元年訖更始二年凡二百三十歲並律志

改元

文帝十六年新垣平言上曰闕下有寶玉氣來者已視之果有獻玉杯者刻曰人主延壽平又言臣候日再中居頃之日卻復中於是始更以十七年為元年

郊祀志

武帝建元元年本紀師古曰自古帝王未有年號始起於此劉敞曰封禪書云其後二年有司言元宜以天瑞命不宜以一二數推所謂其後三年者蓋盡元狩六年至元鼎三年也然元鼎四年方得寶鼎又無緣先三年而稱之以此而言自元鼎以前之元皆有司所追命其實年號之起在元鼎耳故元封改元則始有詔書矣

有司言元宜以天瑞不宜以一二數一元曰建二元以長星日光今郊得一角獸曰狩郊祀志

元封元年詔曰朕以眇身承至尊兢兢焉唯德菲薄不明于禮樂故用事八神遭天地況施著見景象屑然如有聞震于怪物欲止不敢遂登封泰山至于梁父然後升禮肅然自新嘉與士大夫更始其以十月

爲元封元年

武紀

元封七年漢興百二歲矣太中大夫公孫卿壺遂太史令司馬遷等言歷紀壞廢宜改正朔是時御史大夫兒寬明經術上迺詔寬曰與博士共議今宜何以爲正朔服色何上寬與博士賜等議皆曰帝王必改正朔易服色所以明受命於天也創業變改制不相復推傳序文則今夏時也臣等問學褊陋不能明陛下躬聖發憤昭配天地臣愚以爲三統之制後聖復前聖者二代在前也今二代之統絕而不序矣唯陛下發聖德宣考天地四時之極則順陰陽以定大明之制爲萬世則於是迺詔御史曰迺者有司言歷未定廣延宣問以考星度未能讎也蓋古者黃帝合而不死名察發斂定清濁起五部建氣物分數然則上矣書缺樂弛朕甚難之依違以惟未能修明其以七年爲元年

律歷志

宣帝神爵元年詔曰朕承宗廟戰戰栗栗惟萬事統未燭厥理迺元康四年嘉穀元稷降于郡國神爵仍集金芝九莖產于涵德殿銅池中九真獻奇獸南郡獲白虎威鳳爲寶朕之不明震于珍物飭躬齊精祈爲百姓東濟大河天氣清靜神魚舞河幸萬歲宮神

西漢書卷之二十七
二
爵翔集朕之不德懼不能任其以五年爲神爵元年
元帝竟寧元年春正月匈奴虜韓邪單于來朝詔曰
匈奴郅支單于背叛禮義既伏其辜虜韓邪單于不
忘恩德鄉慕禮義復修朝賀之禮願保塞傳之無窮
邊垂長無兵革之事其改元爲竟寧

成帝河平元年春三月詔曰河決東郡流漂二州校
尉王延世隄塞輒平其改元爲河平

河平四年火生石中改元爲陽朔

哀帝建平二年待詔夏賀良等言赤精子之讖漢家
歷運中衰當再受命宜改元易號詔曰漢興二百載

歷數開元皇天降非材之佑漢國再獲受命之符朕
之不德曷敢不通夫基事之元命必與天下自新其
大赦天下以建平二年爲太初元年號曰陳聖劉太
平皇帝漏刻以百二十爲度八月詔曰待詔夏賀良
等建言改元易號增益漏刻可以永安國家朕過聽
賀良等言冀爲海內獲福卒亡嘉應皆違經背古不
合時宜六月甲子制書非赦令也皆蠲除之賀良等
反道惑衆下有司皆伏辜

以上並
本紀

西漢會要卷二十七

西漢會要卷二十八

宋 徐天麟 撰

運歷下

天文

漢元年十月五星聚東井

三年秋太白出西方有光幾中乍北乍南過期迺入

辰星出四孟

七年月暈圍參畢七重

十二年春熒惑守心

孝惠二年天開東北廣十餘丈長二十餘丈

孝文後二年正月壬寅天欖夕出西南其四月乙巳
水木火三合於東井八月天狗下梁壅其十一月戊
戌土水合於危其七月火東行行畢陽環畢東北出
而西逆行至昴卽南迺東行

孝景元年正月癸酉金水合於婺女其七月乙丑金
木水三合於張其二年七月丙子火與水晨出東方
因守斗其十二月水火合於斗是歲彗星出西南七
月天狗下

三年填星在婁幾入還居奎

四年七月癸未火入東井行陰又以九月巳未入輿
鬼戊寅出

中元年填星當在觜觶參去居東井其三年正月丁
亥金木合爲觜觶其三月丁酉彗星夜見西北色白
長丈在觜觶旦去益小十五日不見其五月甲午金
木俱在東井戊戌金去木留守之二十日其六月壬
戌蓬星見西南在房南去房可二丈大如二斗器色
白癸亥在心東北可長丈所甲子在尾北可六丈丁
卯在箕北近漢稍小旦去時大如桃壬申去凡十日
中三年十一月庚午夕金火合於虛相去一寸

四年四月丙申金木合於東井其五年四月乙巳水

火合於參

後元年五月壬午火金合於輿鬼之東北不至柳出輿鬼北可五寸

孝武建元三年三月有星孛於注張厯太微干紫宮至於天漢

三年四月有星孛於天紀至織女

六年熒惑守輿鬼

元光元年六月客星見于房

元光中天星盡摺

元鼎五年太白入于天苑

元鼎中熒惑守南斗

元封中星孛於河戍

太初中星孛於招搖

孝昭始元中蓬星出西方天市東門行過河鼓入營室中後太白出西方下行一舍復上行二舍而下去後太白出東方入咸池東下入東井後太白入太微西藩第一星北出東藩第一星北東下去後太白入昴後熒惑出東方守太白後流星下燕萬載宮極東去

元鳳四年九月客星在紫宮中斗樞極間五年四月

燭星見奎婁間

元平元年正月庚子日出時有黑雲狀如炎風亂鬚轉出西北東南行轉而西有頃亡

二月甲申晨有大星如月有眾星隨而西行乙酉牂雲如狗赤色長尾三枚夾漢西行

三月丙戌流星出翼軫東北干太微入紫宮始出小旦入大有光入有頃聲如雷三鳴止

孝宣本始元年四月壬戌甲夜辰星與參出西方其二年七月辛亥夕辰星與翼出皆為蚤其後熒惑守房之鈞鈴四年七月甲辰辰星在翼月犯之是日熒惑入輿鬼天質

地節元年正月戊午乙夜月食熒惑熒惑在角亢其辛酉熒惑入氏中其六月戊戌甲夜客星又居左右角間東南指長可二尺色白其丙寅又有客星見貫索東北南行至七月癸酉夜入天市芒炎東南指其色白

黃龍元年三月客星居王梁東北可九尺長丈餘西指出閣道間至紫宮

元帝初元元年四月客星大如瓜色青白在南斗第二星東可四尺

西漢會要卷二十八
四
二年五月客星見昴分居卷舌東可五尺青白色炎
長三寸

五年四月彗星出西北赤黃色長八尺所後數日長
丈餘東北指在參分

孝成建始元年九月戊子有流星出文昌色白光燭
地長可四丈大一圍動搖如龍虵行有頃長可五六
丈大四圍所詘折委曲貫紫宮西在斗西北子亥間
後詘如環北方不合留一刻所

四年七月熒惑隕歲星居其東北半寸所如連李時
歲星在關星西四尺所熒惑初從畢口大星東東北
住數日至往疾去遲

四年十一月乙卯月食填星星不見時在輿鬼西北
八九尺所

河平二年十月下旬填星在東井軒轅南端大星尺
餘歲星在其西北尺所熒惑在其西北二尺所皆從
西方來填星貫輿鬼先到歲星次熒惑亦貫輿鬼十
一月上旬歲星熒惑西去填星皆西北逆行

陽朔元年七月壬子月犯心星

四年閏月庚午飛星大如缶出西南入斗下

永始二年二月癸未夜東方有赤色大三四圍長二

西漢書卷二十八
五
三丈索索如樹南方有大四五圍下行十餘丈皆不
至地滅

元延元年四月丁酉日舖時天暝晏殷殷如雷聲有
流星頭大如缶長十餘丈皎然赤白色從日下東南
去四面或大如盂或如雞子燿燿如雨下至昏止
綏和元年正月辛未有流星從東南入北斗長數十
丈二刻所息

二年春熒惑守心

哀帝建平元年正月丁未日出時有著天白氣廣如
一匹布長十餘丈西南行謹如雷一刻而止名曰天

狗十一月白氣出西南從地上至天出參下貫天廁
廣如一匹布長十餘丈十餘日

二年二月彗星出牽牛七十餘日

元壽元年十一月歲星入太微逆行于右執法並天文志

權量

張蒼定章程高純如淳曰章程數之章術也
程者權衡丈尺斗斛之平法也

一曰備數二曰和聲三曰審度四曰嘉量五曰權衡
數者一十百千萬也所以算數事物順性命之理也
夫推歷生律制器規圓矩方權重衡平準繩嘉量探
蹟索隱鉤深致遠莫不用焉度長短者不失毫釐量

西漢書卷二十八
六
多少者不失圭撮權輕重者不失黍稷其法在算術
職在太史義和掌之

聲者宮商角徵羽也職在太樂太常掌之

度者分寸尺丈引也所以度長短也本起黃鐘之長
以子穀秬黍中者一黍之廣度之九十分黃鐘之長
一爲一分十分爲寸十寸爲尺十尺爲丈十丈爲引
而五度審矣其法用銅高一寸廣二寸長一丈而分
寸尺丈存焉用竹爲引高一分廣六分長十丈其方
法矩高廣之數陰陽之象也分者自三微而成著可
分別也寸者寸也尺者隻也丈者張也引者信也夫
度者別於分寸於寸隻於尺張於丈信於引引者信
天下也職在內官廷尉掌之

量者龠合升斗斛也所以量多少也本起於黃鐘之
龠用度數審於容以子穀秬黍中者千有二百實其
龠以井水準其槩合龠爲合十合爲升十升爲斗十
斗爲斛而五量嘉矣其法用銅方尺而圍其外旁有
廡焉其上爲斛其下爲斗左耳爲升右耳爲合龠其
狀似爵以縻爵祿上三下二參天兩地圓而函方左
一右二陰陽之象也其圓象規其重二鈞備氣物之
數合萬有一千五百二十聲中黃鐘始於黃鐘而反

覆焉君制器之象也龠者黃鐘律之實也躍微動氣而生物也合者合龠之量也升者登合之量也斗者聚升之量也斛者角斗平多少之量也夫量者躍於龠合於合登於升聚於斗角於斛職在太倉大司農掌之

衡權者衡平也權重也衡所以任權而均物平輕重也其道如底以見準之正繩之直左旋見規右折見矩其在天也佐助旋璣斟酌建指以齊七政故曰玉衡論語云立則見其參於前也在車則見其倚於衡也又曰齊之以禮此衡在前居南方之義也權者銖

兩斤鈞石也所以稱物平施知輕重也本起於黃鐘之重一龠容千二百黍重十二銖兩之爲兩二十四銖爲兩十六兩爲斤三十斤爲鈞四鈞爲石寸爲十八易十有八變之象也五權之制以義立之以物鈞之其餘小大之差以輕重爲宜圜而環之令之內倍好者周旋無端終而復始無窮已也銖者物絛忽微始至於成著可殊異也兩者兩黃鐘律之重也二十四銖而成兩者二十四氣之象也斤者明也三百八十四銖易二篇之交陰陽變動之象也十六兩成斤者四時乘四方之象也鈞者均也陽施其氣陰化其

物皆得其成就平均也權與物均重萬一千五百二十銖當萬物之象也四百八十兩者六旬行八節之象也三十斤成鈞者一月之象也石者大也權之大者也始於銖兩於兩明於斤均於鈞終於石物終石大也四鈞爲石者四時之象也重百二十斤者十二月之象也終于十二辰而復于子黃鍾之象也千九百二十兩者陰陽之數也三百八十四爻五行之象也四萬六千八十銖者萬一千五百二十物歷四時之象也而歲功成就五權謹矣權與物鈞而生衡衡運生規規圓生矩矩方生繩繩直生準準正則平衡而鈞權矣是爲五則規者所以規圓也械令得其類也矩者所以矩方器械令不失其形也規矩相須陰陽位序圓方乃成準者所以揆平取正也繩者上下端直經緯四通也準繩連體衡權合德百工繇焉以定法式

凡律度量衡用銅者名自名也所以同天下齊風俗也銅爲物之至精不爲燥濕寒暑變其節不爲風雨暴露改其形介然有常有似於士君子之行是以用銅也用竹爲引者事之宜也並律
歷志

時令

文帝元年詔曰方春和時草木羣生之物皆有以自樂而吾百姓鰥寡孤獨窮困之人或阡於死亡而莫之省憂為民父母將如何其議所以振貸之紀本

宣帝時魏相表采易陰陽及月令明堂奏之臣聞易曰天地以順動故日月不過四時不忒聖王以順動故刑罰清而民服天地變化必繇陰陽陰陽之分以日為紀曰冬至則八風之序立萬物之性成各有常職不得相干東方之神太昊乘震執規司春南方之神炎帝乘離執衡司夏西方之神少昊乘兌執矩司秋北方之神顓頊乘坎執權司冬一 夬之神黃帝

乘坤艮執繩司土茲五帝所司各有一也東方之卦不可以治西方南方之卦不可以治北方春興兌治則饑秋興震治則華冬興離治則泄夏興坎治則雹明王謹于尊天慎于養人故立羲和之官以乘四時節授民事君動靜以道奉順陰陽則日月光明風雨時節寒暑調和三者得叙則災害不生五穀熟絲麻遂中木茂鳥獸蕃民不夭疾衣食有餘若是則君尊民說上下亡怨政教不違禮讓可興夫風雨不時則傷農桑農桑傷則民飢寒飢寒在身則亡廉恥寇賊姦宄所繇生也臣愚以為陰陽者王事之本羣生之

命自古賢聖未有不繇者也天子之義必純取法天地而觀於先聖高帝所述書天子所服第八曰大謁者臣章受詔長樂宮曰令羣臣議天子所服以安治天下相國臣何御史大夫臣昌謹與將軍臣陵太子太傅臣通等議春夏秋冬天子所服當法天地之數中得人和故自天子王侯有士之君下及兆民能法天地順四時以治國家身亡旣殃年壽永究是奉宗廟安天下之大禮也臣請法之中謁者趙堯舉春李舜舉夏兒湯舉秋貢禹舉冬四人各職一時六謁者襄章奏制曰可孝文皇帝時以二月恩惠于天下

賜孝弟力田及罷軍卒祠死事者

時節御史大夫

夫鼂錯時為太子家令言其狀臣犯伏念陛下恩澤甚厚然而災氣未息竊恐詔令有未合當時者也願陛下選明經通知陰陽者四人各主一時時至明言所職以和陰陽天下幸甚魏相傳

元康三年六月詔三輔毋得以春夏摘巢探卵彈射

飛鳥具為合

本紀

立春行冤獄使者出

張敞傳

元帝初元三年詔百官勉之毋犯四時之禁

本紀

永光三年十一月詔曰迺者已丑地動中冬雨水大

西漢書卷二十八
霧盜賊並起吏何不以時禁各悉意對

本紀師古曰時禁謂月令

所當禁斷者也

甘延壽陳湯上疏斬郅支首及名王以下宜縣頭藁街事下有司丞相匡衡御史大夫繁延壽以爲月令春掩骼埋齒之時宜勿縣車騎將軍許嘉右將軍王商以爲夾谷之會優施笑君孔子誅之方盛夏首足異門而出宜縣十日乃埋之有詔將軍議是陳湯傳建昭五年詔曰方春農桑興百姓勩力自盡之時也故是月勞農勸民無使後時今不_可之吏覆案小罪徵召證案興不急之事以妨百姓使一時之作亡

終歲之功公卿其明察申赦之

本紀

成帝陽朔二年春寒詔曰昔在帝_宗立義和之官命以四時之事令不失其序故書云黎民於蕃時雍明以陰陽爲本也今公卿大夫或不信陰陽薄而小之所奏請多違時政傳以不知周行天下而欲望陰陽和調豈不謬哉其務順四時月令本紀鴻嘉元年二月詔曰方春生長時臨遣諫大夫理等舉三輔三河宏農冤獄本紀哀帝卽位李尋對曰辰星主四時四時失序則辰星作異今出于歲首之孟天所以遣告陛下也加以號

令不順四時間者春三月治大獄時賊陰立逆恐歲
小收季夏舉兵法時寒氣應恐後有霜雹之災秋月
行封爵其月土濕奧恐後有雷雹之變古之王者尊
天地重陰陽敬四時嚴月令今朝廷忽于時月之令
諸侍中尚書近臣宜皆令通知月令之意設羣下請
事若陛下出令有謬于時者當知爭之以順時本傳
梁王立殺人遣廷尉大鴻臚雜問對曰冬月迫促貪
生畏死即詐僵仆陽病微幸得諭于須臾師古曰冀
而減謹以實對時冬月盡其春大又不治本傳
孫寶以春月作詆欺免為庶人本傳

王温舒為河内太守捕郡中豪猾大王族小者乃

死會春温舒頓足嘆曰令冬月益一月足吾事矣

本傳師古曰立春之
後不復行刑故云然

張敬收繫舜繫獄是時冬月未盡數日晝夜驗治竟

致其死敬使告舜曰五日京兆竟何如冬月已盡延

命乎張敬傳

劉向坐鑄偽黃金得踰冬減死論本傳服虔曰踰冬
至春行寬大而減

罪死

諸葛豐以春夏繫治人在位多言其短上乃制詔御

史豐前為司隸不順四時專作苛暴其免為庶人本傳

孫寶以立秋日署侯文東部督郵入見勅曰今日鷹隼始擊當順天氣取姦惡以成嚴霜之誅傳本

冬月始請讞于定國傳

冬月傳屬縣囚會論府上嚴延年傳

平當為丞相以冬月賜爵關內侯本傳李奇曰以冬月非封侯時故且

先賜爵關內侯

孔光等請謁者召王嘉詣廷尉詔獄永信少府猛等十人以為今春月寒氣錯繆霜露數降宜示天下以

寬和王嘉傳

西漢會要卷二十八

番甲 上國 椿校

